

KERATAN AKHBAR

JUDUL : MALAY NEWS

TARIKH : 13 Julai 2025

SITASI :

M/S :

Hassan, G. U. (2025, July 13). *Tawar lebih 35 aktiviti menarik! Sambutan Minggu Perpaduan 2025 bakal meriahkan Batu Kawan.* Malay News- Malaysian Newspapers From Kuala Lumpur. <https://www.malay.news/tawar-lebih-35-aktiviti-menarik-sambutan-minggu-perpaduan-2025-bakal-meriahkan-batu-kawan/>

MALAY.NEWS

Home | National | States News | Showbiz |

Social Media

Tawar lebih 35 aktiviti menarik! Sambutan Minggu Perpaduan 2025 bakal meriahkan Batu Kawan



July 13, 2025 | 9:04 pm



Stadium Batu Kawan, Pulau Pinang bakal menjadi tumpuan rakyat Malaysia dari 17 hingga 20 Julai ini sempena Sambutan Minggu Perpaduan Peringkat Kebangsaan 2025 yang menawarkan lebih 35 aktiviti menarik untuk semua lapisan masyarakat.

Sambutan Minggu Perpaduan tawar lebih 35 aktiviti menarik

Difahamkan, acara anjuran **Kementerian Perpaduan Negara** ini bakal dirasmikan oleh Perdana Menteri, Dato' Seri Anwar Ibrahim pada 19 Julai (Sabtu) jam 10.30 pagi.

Bertemakan "*Harmoni Dalam Kepelbagaian*", program ini bertujuan merapatkan jurang perbezaan dan memupuk semangat kebersamaan rakyat pelbagai kaum.



Lebih 35 aktiviti menarik termasuk pameran, aktiviti sukan, jualan dan banyak lagi

Antara aktiviti yang akan memeriahkan sambutan termasuk pameran Rumah KAMI (rumah etnik), Perkampungan Etnik Kadazan Dusun dan Orang Asli, pameran Malaysia Tanah Airku, Susur Masa, jualan MADANI, pesta durian, Food Unites, serta jualan produk usahawan tempatan.

Turut diadakan ialah Larian Uniti, sukan tradisional, e-sukan, pertandingan boria terbuka, peragaan busana tradisional, pertandingan tarian etnik sekolah rendah, Pesta Buku Pulau Pinang, Kembara Ilmu dan Wayang Pacak.

